

古

今

譚

槩

塞語部第二十五目錄

嗣靈山河伯

駱滑楚好勇

彈雀

禁曠具

禁松薪

陶母剪髮圖

新衣

彭祖面長

仙福

醫意

輪迴報應

爲宅

蔡元定地理

哈立麻

請僧住院

關僧計二條

重架袋

辨鬼

鬼董辨十王

論神佛

計二條

蘇公論佛

妓歌佳

觀燈

歌哭

紅米飯

理學新說

道學語

列子辨日

不讀書

字說

計二條

牧誓

論詩

計二條

穢里

賦柳

爭田

無爲子

六字地名

爭姓族

牝牡雄雌

諸葛恪計二條

犯夜

捕蝗檄

舉人大帽

西安令

貪令

海瑞非聖人

雙螯

懷繩見王

營丘士

塞語部

子○詹○曰○天○下○之○事○從○言○生○還○可○從○言○止○不○見○夫○射○者○
乎○一○夫○穿○楊○百○夫○掛○弓○何○則○爲○無○復○也○心○心○喙○喙○人○
盡○南○越○王○自○爲○耳○不○得○真○正○大○聰○明○人○胸○如○鏡○口○如○
江○關○天○下○之○舌○而○子○之○以○不○然○隙○穴○漏○卮○豈○其○有○窒○
若○夫○理○外○設○奇○厄○人○於○險○此○營○丘○士○之○智○也○吾○無○患○
焉○集○塞○語○第○二○十○五○

○祠靈山河伯

齊大旱景公欲祠靈山晏子曰不可夫靈山以石爲身

以草木爲爨。天久不雨。爨將焦。身將熱。彼獨不欲雨乎。
祠之何益。公曰。祠河伯可乎。晏子曰。不可。河伯以水爲
國。以魚鼈爲民。天久不雨。百川竭。國將亡。民將滅矣。彼
獨不雨乎。祠之何益。

○駱猾楚好勇

墨子謂駱猾楚曰。吾聞子好勇。曰。然。吾聞其鄉有勇士
焉。吾必與鬪而殺之。墨子曰。天下莫不予其所好。奪其
所惡。今子聞其鄉有勇士。而鬪而殺之。是惡勇。非好勇。

○彈雀

宋藝祖一日後苑挾弓彈雀有臣僚稱其急事請見及見乃常事帝曰此事何急對曰亦急於彈雀

○禁釀具

蜀先主嘗因早儉禁釀酒吏於人家檢得釀具以其欲釀將議罰時簡雍從先主遊見一男女行道謂先主曰彼人欲行淫何以不縛先主曰何以知之雍曰彼有淫具先主大笑命原欲釀者

○禁松薪

唐昭宗時李茂貞椎油以助軍資因禁松薪優人張廷範曰不如和月明禁之茂貞笑而弛禁

○陶母剪髮圖

元岳柱八歲時觀畫師何澄畫陶母剪髮圖指陶母手中金釧詰之曰有此可易酒何用剪髮何大慚卽易之

○新衣

桓冲不好新衣浴後婦故送新衣與冲怒催使持去婦更持還傳語云衣不經新何由而故桓笑着之

○彭祖面長

漢武帝對羣臣云、相書云、鼻下人中長一寸、年百歲、東方朔大笑、有司奏不敢、朔免冠云、不敢笑陛下、實笑彭祖、祖面長、帝問之、朔曰、彭祖年八百、果如陛下言、則彭祖人中長八寸、面長一丈餘矣、帝亦大笑、

○仙福

有術士于唐六如、極言修煉之妙、唐云、如此妙術、何不自爲、乃既及鄙人、術士云、恨吾福淺、吾聞人多矣、仙風道骨、無如君者、唐笑曰、吾但出仙福、有空房在北城、甚僻靜、君爲修煉、煉成兩卦、術士猶未悟、日造門、出一扇

東詩唐大書云破布衫中破布襦。達人便說會燒銀。如
何不自燒些用。擔水河頭賣與人。

六如常題列仙傳云。但聞白日昇天去。不見青天起
下來。忽然一日天破了。大家都叫阿癩癩。亦趣小兒
輩。還可羞事必齊。
拍手叫阿着着。

○醫意

歐文忠公語東坡曰。昔有乘船遇風而得疾者。醫家取
多年乾牙。爲舵工手汗所漬處刮末。和丹砂伏神之劑
煎飲。疾遂愈。乃知醫者意也。東坡曰。如公言。今學者昏

字何殊郭無以難

○蔡元定地理

蔡元定善地理每與鄉人卜葬改定其間吉凶不能皆
驗及貶生朱晦菴黨為胡絃所執有贈詩者曰掘盡人家好丘塋寃
魂欲訴更無由先生若有堯夫術何不先言去道州
先輩有云若傷天理以求地理而復有靈驗是天亦
怕老婆矣此語雖戲亦可醒迷

○哈立麻

永樂四年西僧哈立麻至京啓建法壇屢著靈異翰林

李繼鼎私曰、若彼既有神通、當作中國語、何待譯者而後知乎。

○請僧住院

晏景初請一名僧住院、僧辭以窮陋不可爲、景初曰、高才固易耳、僧曰、巧媳婦貴不得無米煮、景初曰、若有米、拙媳婦亦自能煮。

○闢僧

歐陽公家兒、小名有僧哥者、一僧謂公曰、公不重佛、安得此名、公笑曰、人家小兒要易長、往往以賤物爲小名。

如狗馬牛羊之類是也。僧大笑。

崑山學博張倬與一僧談。僧曰：儒教雖正，不如佛學之玄。如僧人多能讀儒書，儒人不能通釋典。本朝能通釋典者，宋景濂一人而已。張笑云：不然。譬如飲食，人可食者，狗亦能食之。狗可食者，人決不食之矣。

○重袈裟

趙悅道罷政閒居，喜僧而拒士。有士往謁，再四，闢者不爲通。士曰：恭政直得如此敬重和尚。闢者曰：尋常僧亦平平，相公只是重袈裟。士曰：我這領藍衫，恁地不直錢。

問者曰、也半看佛面、士曰、也半看孔夫子面。

○辨鬼

阮宣聞人說人死有鬼、宣獨以爲無、曰、今見鬼者、云着生時衣服、若人死有鬼、衣服亦有鬼耶。

王弼生駁之曰、人夢中穿衣服、將謂衣服亦有夢耶。余謂生時衣服、神氣所托、能靈幻出來、正是有鬼處。

○鬼董辨十王

佛言琰魔羅統攝一素訶世界、

三千大千世界、素訶其一也、南瞻部、持素訶中

之一耳、今訖爲閻羅、又阿舍等經、有十八王、王主一獄、乃

問羅僚屬十王之說不知何來轉輸王王四天下亦非
主冥道乃繫列於十王餘如宋帝五官之類又皆無稽
又七七日而所歷者七王自小祥以後二年乃僅經二
王何疎密太懸耶

○論神佛

北魏簡平王浚年八歲謂博士盧裕曰祭神如神在爲
有神耶無神耶對曰有浚曰有神當云神在何煩如字
張商英字天夜執筆妻向氏問何作曰欲作無佛論向
曰既無矣又何論公駭其言而止後聞藏經有悟
乃作護法論

○蘇公論佛

范蜀公不信佛、蘇公常求其所以不信之故、范云、平生事、非目見卽不信、蘇曰、公亦安能然哉、設公有疾、令醫切脉、醫曰寒、則服熱藥、曰熱、則服寒藥、公何嘗見脉而後信之。

○妓歌佳

郭洗馬入洛、聽妓歌、大稱佳、石季倫問何曲、郭曰、不知季倫笑曰、不知安得言佳、郭曰、譬如見西施、何必識姓、然後知美。

換曲換詞、換姓亦換面乎、此喻誤矣、

○○觀燈

司馬溫公夫人、元宵夜欲出觀燈、公曰、家自有燈、夫人曰、兼看遊人、公笑曰、我是鬼、

范文正欲求退、子弟請治園圃、公曰、西都園林相望、孰障吾遊、語意類此、

○○歌哭

司馬溫公死、當明堂大饗、朝臣以致齋不及奠、肆赦畢、蘇子瞻率同輩往、程頤固爭、引論語子於是日哭則不

歌以阻之、子瞻曰、不云歌則不哭。

○紅米飯

樗齋雅譔云、近一友有母喪、偶食紅米飯、一腐儒以爲非居喪者所宜、詰其故、謂紅喜色也、友曰、然則食白米飯者皆有喪耶。

○理學新說

理學家多主新說、有解年四十而見惡焉、其終也已、曰人當其年尚見可惡之人、則德不進可知矣、周元乎笑曰、惟仁者能好人、能惡人、應是三十九歲時也。

○道學語

有一道學每日天不生仲尼萬古如長夜劉翰林諧曰
怪得義皇以上聖人盡日然燭而行也

諧性刻薄而有口才析產時從其父巨塘公乞一幹
僕父以與其兄諧爭之父曰兄弟左右手耳彼此何
別一日父小恙適諧來候舒右手使搔癢諧故取左
手搔之父曰誤矣諧曰左右手彼此何別其雖親必
報如此

○列子辨日

孔子東遊見二兒爭辨日遠近一曰日出之時大如車輪日中之時小如盤豈非日出之處去人近近見大而遠見小平一曰日出之時蒼蒼涼涼日中之時熱如探湯豈非日出之處去人遠遠者涼而近者熱乎孔子不能決

○不讀書

王荊公初參政視廟堂如無人一旦行新法怒目諸公曰此輩坐不讀書耳趙清簡公同參知政事獨折之曰君言失矣如皋夔覆契之時有何書可讀公默然

○○字說

王荆公作字說穿鑿杜撰劉貢父問之曰牛之體壯於鹿鹿之行速於牛今犇羸二字其意皆反之何也坡公亦問曰以竹鞭馬爲篤不知以竹鞭犬有何可笑又嘗舉坡字問荆公何義公曰坡者土之皮坡公笑曰然則滑者水之骨乎荆公竝無以答

又東坡嘗語荆公鳩從九亦有說荆公欣然就問東坡曰鳩鳩在桑其子七兮連娘帶爺恰是九箇張文潛嘗問張安道方司馬君實直言王介甫不曉事是如何安

道云、賢只消去看字說、文潛云、字說也只是二三分不
合人意、安道云、若然、則足下亦有七八分不曉事矣、

○牧誓

唐高宗七歲時、讀書至牧誓、問奈何以臣伐君、父郢曰、
應天順人耳、曰、用命賞於祖、不用命戮於社、豈是順人
郢不能答、

○論詩

李西涯嘗有岳陽樓詩云、吳楚乾坤天下句、江湖廊廟
古人情、楊文懿公亟稱之、有同官不以爲然、駁之曰、吳

楚乾坤之句、本妙在圻字浮字、今去此二字、則不見其妙矣、楊曰、然則必云吳楚東南圻、乾坤日夜浮、天下句、而後爲足耶、

方案陵素以廣東憲副入賀、張崑崙山人以詩餞之、方曰、君詩雖佳、而非情實、如無山稱山、無水賦水、非歡而暢、不戚而哀、予詩雖劣、情實具在、答曰、詩人婉辭託物、若文王之恩后妃、豈必臨河洲、見雕鳩耶、卽如餞行、何必携百壺酒、而云清酒百壺、惟筍及蒲、若據情實、則老酒一瓶、豆腐麪觔耳、京師聞者大笑、

○穢里

梁劉士章爲南康相郡人有姓賴居穢里投刺謁劉劉嘲之曰君有何穢而居穢里賴應聲曰未審孔丘何關而居關里孔廟東南五百步有雙石關故名關里

○賦柳

李泌賦詩譏楊國忠曰青青東門柳歲晏復憔悴國忠訴於明皇上曰賦柳爲譏卿則賦李爲譏朕可乎

○爭田

余肅敏公爲戶部時兩勢家爭田未決部檄公理之甲

以其地名與已同姓，就是故廬。公笑曰：然則張家灣張產耶。

○無爲子

楊次公自號無爲子。佛印問其說，次公曰：我生無爲軍耳。印曰：公若生廬州，便可稱廬子矣。

○六字地名

楊用脩在史館，有湖廣土官水盡源通塔平長官司進貢水盡源通塔平蓋六字地名，有同列疑爲三地名，添之云：三長官司。楊取大明官制證之，此一處非三地。

也。同列笑曰：「楚蜀人近蠻夷，故宜知之。我內地人不知也。」楊戲應之曰：「司馬遷西南夷傳，班固匈奴傳，敘外域如指掌，班馬亦蠻夷耶？」

○爭姓族

諸葛令侯王丞相導共爭姓族先後。王曰：「何不言葛王？」而云王葛？令曰：「譬之驢馬，不言馬驢，驢寧勝馬耶？」

○牝牡雄雌

周丞相與客閒步園中，觀羣鶴。問曰：「此牝鶴耶？牡鶴耶？」客從旁曰：「獸辨牝牡，禽爲雌雄。」丞相曰：「雄狐綏綏，狐非。」

獸乎。牝雞之晨。雞非禽乎。客不能對。

一從牛。一從雉。自是禽獸之別。雄狐牝雞。文人之巧言耳。○考工記曰。天下大獸五。則禽亦可謂之獸。禮記曰。猩猩能語。不離禽獸。則獸亦可謂之禽。五行有木而無草。則草亦可謂之木。洪範言庶草蕃蕪。而不及木。則木亦可謂之草。

○諸葛恪

孫權大會將佐。命諸葛恪行酒。次至張輔吳。昭先有酒色。不肯飲。曰。此非養老之禮也。權謂恪曰。卿但令張公

辭屈乃飲耳。恪卽難張曰：昔尚父九十，乘旄仗鉞，猶未告老。今軍旅之事，將軍在後；酒食之事，將軍在前。何謂不養老也？張無辭，遂爲盡爵。

曾有白頭鳥集吳殿前，孫權問羣臣：此何鳥也？諸葛元遜對云：此名白頭翁。張昭自以坐中最老，疑戲之，因曰：恪欺陛下，未嘗聞鳥名白頭翁者。試令恪復求白頭鳥。元遜曰：鳥名鸚鵡，未必有對。試使輔吳復求鸚鵡。父張不能答。

○犯夜

張觀知開封日、有犯夜巡者、縛致之、觀曰、有證見乎、巡者曰、若有證見、亦是犯夜矣。

○○捕蝗檄

錢穆甫爲如皋令、會歲旱蝗發、而太興令獨詒郡將云、縣界無蝗、已而蝗大起、郡將詰之、令辭窮、乃言縣本無蝗、悉自如皋飛來者、仍檄本縣嚴捕、無令侵及鄰境、穆甫得數判云、蝗本天災、非令不才、既自敝邑飛去、却請貴縣捉來。或作未元、章、誤也。

○○舉人大帽

祖制京官三品始乘轎、科道多騎馬、後來皆私用轎矣。
王化接浙、一舉人大帽入謁、接君不悅、因問曰、舉人戴
大帽始自何年、答曰、始於老大人乘轎之年。

○西安令

俞君直性、嫻選得衛州之西安、友人規之曰、清慎君所
有餘、第在衝要地、不可不勲、俞曰、何以知衝要也、曰、是
四輪之地、不然、何以謂之衛州、俞曰、是偏安之邑、不然、
何以謂之西安、友人無以難。

○貪令

某令貪監司欲斥之、陳渠爲中丞笑曰、此地窮苦、不比貴鄉、墨不滿案也、監司曰、盜劫貧家、豈得無罪、

○海瑞非聖人

海忠肅撫江南、爲華亭公處分田宅、奉行者稍過、遂致不堪、縉紳咸爲華亭解紛、謂海曰、聖人不爲己甚、海荒然曰、諸公豈不知海瑞非聖人耶、縉紳悉股栗而退、

○楚媼

田巴居於稷下、是三王而非五帝、一日屈千人、其辨無能窮之者、弟子禽滑釐、出逢楚媼、揖而問曰、子非田巴

之徒乎、宜得已之辨也、姐有大疑、願質於子、禽滑釐曰、姐姑言之、我能析其理、姐曰、馬駮生向上而短、馬尾生向下而長、其故何也、禽滑釐笑曰、此易曉耳、駮上搶勢逆而強、故短、尾下垂、勢順而趨、故長、姐曰、然則人之髮上搶逆也、何以長、髮下垂順也、何以短、滑釐茫然自失、乃曰、吾學未足以臻此、當歸咨師、姐幸留此、我其有以奉酬、卽入見田巴曰、適出遇雙姐、以駮尾長短爲問、弟子以逆順之理答之、如何曰、甚善、滑釐曰、然則姐申之以髮順而短、髮逆而長、則弟子無以對、願先生折之、姐

方坐門以俟。已僂首久之。乃以行呼滑釐曰。禽大禽大。幸自無事。也省可出入。

○懷繩見王

齊大夫邾石父謀叛。宣王誅之。欲滅其族。邾之族大以蕃。咸泣拜於艾子之庭。祈請於王。艾子曰。得一繩可免。邾氏以爲戲言。亦不敢諾。退而索絢以餽艾子。懷其三尺。以見王。曰。爲逆者一石父。其宗何罪而戮之。王曰。先王之法。不敢廢也。政典曰。與叛同宗者殺無赦。艾子頓首曰。臣亦知王之不得已也。竊有一說。往年公子至以

邯鄲降秦、非王之母弟乎、然則王亦叛臣之族、理合隨
坐、願王卽日引決、勿惜一身而傷先王之法、因獻短繩
三尺、王笑而起曰、先生且休、寡人赦之矣、

○營丘士

營丘士性不通慧、好折難而不中理、一日造艾子、問曰、
凡大車之下、與橐駝之項、多綴鈴鐸、其故何也、艾子曰、
車駝之爲物甚大、且多夜行、忽狹路難避、藉鳴聲相關、
使爲計耳、營丘士曰、佛塔之上、亦設鈴鐸、豈謂塔亦夜
行、而使相避耶、艾子曰、君不通事理、乃至如此、凡鳥鵲

多託高以巢、糞穢狼籍、故塔之鈴、所以警鳥鵲也、豈以
車駝比耶、管丘士曰、鷹鵲之尾、亦設小鈴、安有鳥鵲巢
於鷹鵲之尾乎、艾子大笑曰、怪哉、君之不通也、夫鷹鵲
擊物、或入林中而絆足、猶線偶爲木所絀、振羽之際、鈴
聲可尋而索也、豈謂防鳥鵲之巢哉、管丘士曰、吾嘗見
挽郎垂鐸而歌、不究其義、今乃知恐爲木枝所絀、而便
於尋索也、抑不知絆郎之足者、用皮乎、用線乎、艾子慍
而答曰、挽郎乃死者之導也、爲死人生前好詰難、故鐸
以樂其足耳、

雅浪郎第二十六目錄

千歲

捨命陪君子

雞肋

父子圍棋

新聞老子

旱雷

大雷

口歎手怒

小戊子

雌甲辰

安給事生辰

太公年

何次道志勇

墨磨人

喫未着飯

玄齡不死

死後佳

大八字

鐵馬

鮎魚上竹竿

枝頭乾

梓州縣縣

孫少卿

唐宋二宗雅諺

計二條

宋太宗語

可笑事

洛中新事

大夏男

新建伯

送還鄉里

崖州

張海水旱蔬

周文襄

東王公

石學士

大理寺

銅司業

延年府

三甲進士

孔懷吏

高晉陵

曹直律語

如扇諫計二條

自送英妹

西施山

鍾馗圖

梅河豚

銀花合

黃鸝自古少

杜宗武

不康

夢仙詩

文選

徒以上界

待湯

製餽飽法

李康靖東

海蜇

春菜詩

錯着水爲甚酥

伐塚

酒肉地獄

龍潭寺暗室

破僧戒

李得雨

待闕鴛鴦社

試守孝子

牀衣

騾耳馬足

唐明皇髑髏

焚項羽廟

侯景熟

僧誦經

猶五德

阿房宮賦兩句

天下極賤人

馬湘蘭

呼公子

曹娥秀

徐月英

雅浪部

子猶曰：誰浪人所時有也。過則虐，虐則不堪。是故雅之爲貴，雅行不驚俗，雅言不駭耳。雅誰不傷心，何病乎脣弄，何虞乎口戒，何憚乎犁舌地獄。集雅浪第二十六。

○千歲

魏王知訓陪烈祖曲宴，引金觴賜酒曰：願我第千歲。魏王引他器，勻之，進曰：願與陛下各享五百。

○捨命陪君子

李西涯在翰林時、一日陪郡侯席、過飲大觥、醉而言曰、治生今日捨命陪君子矣、郡侯笑曰、學生也不是君子、老先生不要輕生。

○雞肋

劉伶嘗因大醉、與俗人忤、其人攘袂奮拳而往、伶徐曰、雞肋不足以安尊拳、其人笑而止。

○父子圍碁

王長豫幼便和令、丞相導愛恣甚篤、每共圍碁、丞相欲舉行、長豫按指不聽、丞相笑曰、詎得爾、相與似有瓜葛。

○新閤老子

丹徒靳閤老有子不肖而其子之子却登第閤老每督責之曰翁父不如我父翁子不如我子我何不肖閤老大笑而止

吳江吳太學益之由富而貧因縣徵逋急詣縣求寬閤人報吳相公進謁縣尹劉曰何物吳相公得非好丈人的女婿好女婿的丈人乎蓋吳爲王荊石相公婿而其女嫁沈進士也

○旱雷

有人別謝公。公流涕。此人不悲。左右云。向客殊密雲。公云。非徒密雲。乃是旱雷。

○大雷

北齊崔儵嘗謂同座曰。昨夜大雷。吾睡不覺。盧思道在坐。戲曰。如此震雷。奈何不能動。齏坐間大笑。

○口歡手怒

和魯公慷慨厚德。每滑稽則烘堂大笑。時博士楊永符能草聖。有省郎聞魯公笑聲。戲謂楊曰。丞相口歡。永符曰。予奉事筆墨方揮掃之際。亦謂太博手怒耶。

○小戊子 雌甲辰

程文惠與龐公同戊子生。程已貴。龐尚爲小官。嘗戲龐曰。君乃小戊子也。龐後大拜。程曰。今日大戊子。却爲小戊子矣。

或以槐瘻遺裴晉公。郎中庾威在坐曰。此是雌樹生者。公偶及年甲。對云。與公同是甲辰。公笑曰。郎中便是雌甲辰。

○安給事生辰

安給事。蜀人。初度。避生。同僚尾至所在。蔡巨源戲曰。

聞一老鼠避一瓶中。猫捕之不得。以鬚畧鼠。鼠因噴嚏。猫在外呼曰。千歲。鼠曰。汝豈真爲我壽。誘我出。欲害我耳。安遂出。

○太公年

人嘗言太公八十遇文王。宋玉楚詞又云太公九十顯榮兮。東方朔云太公體仁行義。七十有二。見用周武。東坡笑曰。太公賴東方朔減了八歲。却被宋玉增了十歲。世傳梁顥八十二登第。其謝表云。少伏生之人。歲多。太公之二年。而洪容齋隨筆詳辨其生年致仕之歲。

謂此縣好事者爲之以類在本朝而年歲尚有能僂者。恐太公眞八字未可問也。

○何次道志勇

何次道无往无官寺禮拜甚勤。阮思曠有語之曰：卿志大宇宙，勇邁千古。何曰：卿今日何故忽見推？阮曰：我國數千戶，卿尚不能得。卿乃圖作佛，不亦大乎？

○墨磨人

石昌言畜李廷珪墨，不許人磨。或戲之曰：子不磨墨，磨將磨子。

守財虜。挈爲利。一文不肯屈使。亦當告之曰。子不用錢。錢將用子。

○喫衣着飯

楊醫官傳食絹方。爲神仙上藥。又一方。有寒疾者。蓋藉席。當愈。或嘲之曰。君喫衣着飯。大是奇方。喫衣着飯。可對枕流漱石。

○玄齡不死

裴玄本好諧譚。爲戶部郎中。時左僕射房玄齡疾甚。省郎將問疾。玄本戲曰。僕射病可須問之。旣甚矣。何須問。

也。有洩其言者。既而隨例看玄齡。玄齡笑曰。裴郎中來。玄齡不死也。

○死後佳

葉衡罷相歸。一日病。問諸客曰。某且死。但未知死後佳否。一士人曰。甚佳。葉驚問曰。何以知之。士人曰。使死而不佳。死者皆逃歸矣。一死不返。以是知其佳也。滿座皆笑。

○大八字

有以星術見王元美者。座客爭扣吉凶。元美曰。吾自曉。

大八字不用若算問何爲大八字曰我知人人都是要死的

○嫲隅

郝隆爲桓公南蠻叅軍三月三日會作詩不能者罰酒三升隆旣受罰攬筆便作一句云嫲隅躍清池桓問嫲隅是何物隆曰蠻名魚爲嫲隅又問作詩何用蠻語隆曰千里投公始得蠻府叅軍那得不作蠻語

○鮎魚上竹竿

梅聖俞以詩知名三十年終不得一館職晚年預脩唐

書語其妻刁氏曰吾之脩書可謂獼孫入布袋矣刁曰還是鮎魚上竹竿

閒燕嘗談云大觀中薛肇明和上皇御製詩有曰、
聲似鳳來銜詔喜氣如雞去揭竿韓子倉戲爲更之
曰窘如老鼠入牛角難似鮎魚上竹竿時謂的對尤
勝於梅

○枝頭乾

元祐初用治平故事令大臣薦士試館職一時名士在
館者率論資考次遷未有越次進用者張文翰是無咎

俱在其間。一日二人聞朝報見蘇子由自中書舍人除戶部侍郎。無咎以爲平緩。曰。子由此除不離核。謂如果之粘核者。張曰。豈不勝汝枝頭乾乎。

○梓州郪縣

唐李鎮惡謁選授梓州郪縣令。與友人書云。州帶子號縣帶妻名。由來不屬老夫。并是兒婦官職。

○孫少卿

北魏孫紹歷職內外。垂老始拜太府少卿。謝曰。靈太后曰。公年似太老。紹拜曰。臣年雖老。臣卿太少。后笑曰。是

蔣正卿

○唐宋二宗雅譚

曲江池、本唐開元中疏鑿爲勝境、南卽紫雲樓芙蓉院、西卽杏園慈恩寺、花卉環周、煙水明媚、都人遊賞、盛於中和上巳節、卽賜宴臣僚會於山亭、賜太常教坊樂、池備彩舟、唯宰相三使、北省官翰林學士登焉、傾動皇州、以爲盛觀、裴休廉察宣城、未離京、值曲江池荷花盛發、同省閹名士遊賞、自慈恩寺屏左右、隨以小僕步至紫雲樓、見教坊人坐於水濱、裴與朝士勸其傍、中有黃衣

半醺軒昂自若、指諸人笑語輕脫、裴意稍不平、揖而問曰、賢所任何官、率爾對曰、喏、卽不敢、新授宣州廣德令、友間裴曰、押衙所任何職、裴效之曰、喏、卽不敢、新授宣州觀察使、於是狼狽而步、同座亦皆奔散、朝士撫掌大笑、不數日、布於京華、後於銓司訪之、云有廣德令請換羅江、宣皇在藩邸聞是說、與諸王每爲戲談、其後龍飛、裴入相、因書麻制、謂樞近曰、喏、卽不敢、新授中書門下平章事矣、見松牕雜錄

寇準在中書、每召兩制就第飲宴、必開關苛留之、李宗

諤嘗於門扉下出走、後爲脩官使、恩顧漸深、一日召至、
王宸殿賜酒、宗諤堅辭以醉、且云、日暮上令中使附耳、
語云、此中不須從門扉下出。

○宋太宗語

宋丁謂嘗以文謁王禹偁、禹偁稱其文與孫何可比、韓
柳名遂大振、旣而何冠多士、謂登第四、自以爲與何齊
名、恥居其下、臚傳之際、殿下有言、太宗曰、甲乙丙丁、合
居第四、復何言。

○可笑事 洛中新事

則天朝蕃人上封事多加官賞有爲右臺御史者則天嘗問左司郎中張元一在外有何可笑事元一曰朱前疑着綠、遠仁傑着朱、羅知微騎馬、馬吉甫騎驢、將名作姓、李千里將姓作名、吳栖梧、左臺胡御史、右臺御史胡左臺、謂胡元禮、御史胡蓋蕃人爲御史者

王拱辰營地甚侈嘗起屋三層最上曰朝元閣時司馬君實穿深地丈餘作一室邵堯夫見富鄭公富問洛中有何新事邵曰近有一巢居者一穴處者以二公對富大笑

○大夏男 新建伯

盧詢祖襲封大夏男爵有朝士戲曰大夏初成盧答云
且得燕雀相賀○

王文成公封新建伯戴冕服入朝有帛蔽耳某公戲曰
先生耳冷公笑曰我不耳冷先生眼熱○

○○送還鄉里

禮侍葉盛轉吏侍禮書姚夔設宴鄭重因曰敝鄉親友
煩公垂念葉唯唯不久姚進太宰葉攜酒往賀執杯獻
姚曰今日送鄉里還先生矣○

○崖州

丁晉公自崖州還坐客謂天下州郡何地最雄盛公曰
惟崖州地望最重客問其故答曰宰相只作彼司戶參
軍他州何可及

不是崖州地望最重還因宰相地望太輕

○張海水旱疏

給事中張海劾奏尚書楊鼎王復薛遠南部侍郎錢溥
謂四方水旱皆四人妨政失職所致會錢溥進表至京
冢宰尹旻詢江南時事溥答曰南直隸大熟請以歸諸

公北直隸大水。皆溥等當之。旻笑曰。諺云女壻牙疼。却灸丈母脚跟。衆爲烘然。

按鍼灸書。脚底有丈母穴。

○○周文襄

宋宣和六年。有賣青菓男子。孕而生女。國朝周文襄在姑蘇日。有報男子生兒者。公不答。但目諸門子曰。汝輩慎之。

○東王公

辛恭靜見司馬太傅。問卿何處人。答曰。西人。太傅戲曰。

在西見西王母否。辛曰：在西不見西王母。過東已見東王公。太傅大笑。

○石學士

石曼卿嘗出遊報寧寺。馭者失控，馬驚走。曼卿墮地，戲曰：幸是石學士，若瓦學士，豈不破碎。

○大理寺

江晴渌以大理屬使滇，至晉安驛，供億不具。左右欲笞其吏。江曰：翰林科道人聞而憚之。若大理寺，遠方之人，且謂與報恩寺、大慈寺等。其官屬亦善世住持之類耳。

惡乎筭

○銅司業

國子監錢糧例不刷卷故諺曰金祭酒銀典簿陸深陞司業稽考錢糧其實空虛遣送供堂阜隸銀數兩至色如黑銅陸笑曰正好謂之銅司業矣

○延平府

武林鄒虞知延平延素產繡補親友皆索之後抵任四時多筍補絕少曰吾任損有餘補不足也

○三甲進士

王伯固令太和一士昂然而進曰、一等生員告狀、伯固
斂容徐答曰、三甲進士不准、
在他矮簷下、怎敢不低頭、

○孔椽吏

元皇慶間、浙江有孔椽吏、身軀短小、僅與小公案相等、
凡呈牘文、必用低凳立、脫歡丞相以先聖子孫、每禮遇
之時、有許文正公從祀孔子廟庭、公子孫知政事、惡孔
風度不雅、以小過叱之退、脫歡曰、他祖公容參政之父
祖坐參政、反不容他子孫立、相與一笑、

○高晉陵

高爽嘗經晉陵，詣劉蒨，了不相接。高甚銜之。俄爽代蒨爲縣，蒨迎贈甚厚。爽受餉答書，署高晉陵。人問其故，爽曰：「劉蒨自餉晉陵令耳，何關爽事？」

○魯直律語

黃魯直爲禮部試官，或以柳枝來，有法官曰：「漏泄春光，有柳條。」魯直曰：「榆條。」准此。蓋律語有餘條，准此也。一坐大床。

○如廁諺

彭彥實一日往文淵閣東如廁值少保陳方洲公亦來却立公疾行而過笑曰以緩急爲序他日公如廁周贊善堯佐先在內公戲曰人生何處不相逢

唐時一丞偶因馬上內逼急詣大優穆才綾宅已登廁軒而優適至丞慚謝之優曰侍郎他日內逼再請光訪

○目送美姝

王忠肅公不喜談諧一日朝退見一大臣目送美姝復回顧之忠肅戲云此姝甚有力先生曰大臣何以知之王應曰不然公頭何以掣轉

○西施山

西施教歌舞之地名西施山袁弘道與陶望齡同遊陶詩云宿幾夜嬌歌艷舞之山袁曰此詩當註明不然累君他日謚文恪公不得

○鍾馗圖

劉廷美

珏

有鍾馗圖求劉原博題詩於上元旦懸之中

堂京師節日主人皆出賀惟置白紙簿并筆硯於几賓客至書其名是日朝士至者見詩各摘簿一葉錄之以去頃間簿已盡矣明日復置一簿亦如之中書金本清

戲曰此鍾馗乃耗紙鬼也

原博詩曰長空糊雲夜風起不念成羣跳狂鬼倒提
三尺黃河水血灑蓮花舞秋水飛螢負火明月羞
寒影黑啼鵲鵲綠袍烏帽逞行事碟腦剗腸天亦愁
中有巨妖誅未得盍駕颺輪驅霹靂如何袖手便忘
機回首東方又生白

○梅河豚

梅聖俞有河豚詩春洲生荻芽春畝飛楊花河豚於此
時貴不數魚鰕時盛傳之劉厚甫戲曰鄭都有鵲鵲詩

人稱鄭鵠。鵠聖俞有河豚詩。當呼梅河豚矣。

宋鮑當有孤雁詩。天寒稻梁少。萬里孤難進。不惜充君庖。爲帶邊城信。時人謂之鮑孤雁。謝逸有咏蝶詩三百首。如云。身似何郎全傅粉。心如韓壽愛偷香。又有飛隨柳絮有時見。舞入梨花無處尋。人盛稱之。因呼爲謝蝴蝶。明無錫黃公祿善方脉。而能詩。嘗咏雪。毬云。六花平地捲成毬。不待雲斤月斧脩。萬古太陰深合處。一團元氣未開頭。金盆忽送來瑤島。銀索難將掛綠樓。只恐明朝易消歇。長江滾滾逐東流。人亦

稱爲黃鸝稱

○銀花合

張昌齡蘇味道俱有詩名一日昌齡曰某詩所以不及
相公者爲無銀花合也蘇有觀燈詩犬樹銀花合星橋
鐵鎖開之句蘇曰公雖無銀花合還有金銅鈿張有贈
張昌宗詩曰昔日浮丘伯今同丁令威故云相與撫掌
○黃鸝自古少

熊者愚與江菜蘿同官棘寺一日江曰此中不乏佳樹
惜黃鸝甚少熊曰黃鸝自古少也江問何以見之熊曰

杜詩云兩箇黃鸝鳴翠柳那得多。

○杜宗武

杜甫子宗武以詩示阮兵曹答以石斧一具并詩還之。宗武曰斧父斤也使我呈父加斤削也。阮聞之曰誤矣。欲子斫斷其手此手若存天下詩名又在杜家矣。

○不廉

沈約戲朱异曰卿年少何乃不廉。异逡巡未達其旨。約乃曰天下惟有文義慕書卿一時將去安得稱廉。

○夢仙詩

王介甫嘗見鄭毅夫夢仙詩云、授我碧簡書、奇篆蟠丹砂、讀之不可識、翻身凌紫霞、大笑曰、此人不識字、不勸自招、毅夫曰、不然、吾用李太白詩句耳、王又笑曰、自首減等。

○文選

張鳳翼刻文選纂註、一士夫詰之曰、旣云文選、何故有詩、張曰、昭明太子著作、於僕何與、曰、昭明太子安在、張曰、已死、曰、旣死、不必究他、張曰、便不死、亦難究、曰、何故、張答曰、他讀得書多。

○徒以上罪

歐陽公與人行令作詩兩句須犯徒以上罪者一云持刀哄寡婦下海劫人船一云月黑殺人夜風高放火天歐云酒粘衫袖重花壓帽簷偏或問之答曰當此時徒以上罪亦做了

○待湯

李西涯在京邸款同鄉會試酒數行諸君告起欲赴他席公曰且住有一題商之東面而征西夷怨二句諸君亦知所以然乎眾默然公笑曰無他意只是待湯

○製餛飩法

喬仲山家製餛飩得法嘗告賓朋索食一日於每客前先置一帖且戒云食畢展卷既而取視乃置造方也大
笑而散自後無復索者

得方勝得食

○李康靖東

韓忠獻億李康靖若谷同遊至汝州太守趙學士請康
靖爲門客尤敬待韓每至卽設豬肉康靖嘗東韓云久
思肉味請兄蚤訪

○海蜃

王敏道食海蜃曰人何苦嗜之哉一響而已

歲中紙爆亦只一響好事者乃以紗絹裝花爲飾每枝價至數十錢更爲可笑○萬錢之費不過一飽長夜之歡不過一醉回想紛陳皆海蜃耳夫玉樓金谷能得幾時花貌紅顏本非常住而蜃莫馳逐不休無非爭此一響而已豈不愚哉

○春菜詩

黃魯直嘗和東坡春菜詩云公如端爲苦筍歸明日春

衫誠可脫。蘇軾語客云：吾固不愛做官。魯直遂欲以苦筍硬差致仕。

○錯着水爲甚酥

東坡在黃州時嘗赴何秀才會食油果甚酥因問主人此名爲何主人對以無名東坡又問爲甚酥坐客皆曰是可以爲名矣又潘長官以東坡不能飲每爲設醴坡笑曰此必錯着水也他日忽思油果作小詩以求之云野飲花前白事無腰間惟繫一葫蘆已傾潘子錯着水更覓君家爲甚酥

○伐塚

子由乘政子瞻在翰苑有故人欲干子由因見子瞻求其轉言冀得差遣公徐曰舊聞一人貧甚無以爲生乃謀伐塚遂破一墓見一人裸體而坐曰我楊王孫也無物濟汝復鑿一塚用力頗艱旣入見一王者曰我漢之文帝遺制壙中無納金玉器皆陶瓦汝可速出復二塚相連乃先穿其左者久之方透見一人羸瘠而有饑色曰我伯夷也餓死首陽安得應汝之求其人歎曰用力動矣竟無所獲不若更穿西塚庶幾有得羸瘠者謂曰

勸汝別謀於他所。汝視我形骸如此。舍弟叔齊。豈能爲人也。故人大笑而去。

○酒肉地獄

東坡侔杭不勝杯酌。奈部使者重公才望。朝夕聚首。疲於應酬。乃目杭侔爲酒肉地獄。後袁穀代侔。適郡將與諸司不協。侔亦相疎。袁語人曰。聞此郡爲酒肉地獄。奈何。我來。乃值獄空。傳以爲笑。

○龍潭寺暗室

陸氏兄弟遊龍潭寺。見一暗室。弟曰。此黑暗地獄也。兄

曰不然。是彼極樂世界。

○破僧戒

虎丘僧人長於酒肉。彼之視腐菜如持戒者之視魚肉。不勝額之感也。一日友人小集。有楚客長齋。特設素供。楚客意僧必持戒。揖與共席。吳興凌彼。哂笑語之曰。母爲此僧破戒。

○李得雨

開成間京師大旱。李德裕拜相。卽日大雨。京師喜曰。相公乃李得雨也。

○待闕駕鸞社

朱子春未婚先開房室帷帳甚麗以待其事時人謂之待闕駕鸞社見妝樓記

○試守孝子

王僕射在江州爲殷桓所逐奔竄豫章存亡未測王綬在都旣憂懃在貌居處飲食每事有降時人語爲試守孝子

○床衣

陸龜蒙居笠澤有一竹禪床每用偃憩時十月天已寒

侍僮忘施袍襦，龜蒙已坐，急起呼曰：「此節日，翁須是與些衣服，不然他寒我也寒。」

○騾耳馬足

羅汝敬、馬鐸同在館，開嚴冬，沍寒，羅不戴暖耳，馬不穿蓮襪。時戲之曰：「騾耳馬足。」

○唐明皇髑髏

長安有安氏家，藏唐明皇髑髏，作紫金色。其家事之甚謹，因爾家富達，遂爲盛族。後其家析居，爭髑髏，斧爲數片。張文潛聞之，卽語曰：「明皇生死爲姓安人，極憐合坐。」

大笑時秦少游方爲賈御史彈不當授館職文潛戲少游曰千餘年前賈生過秦今復爾也聞者以爲佳謔謗周公者陳賈而宋時劾朱子者亦名陳賈漢有胡廣號中庸而我朝胡文穆公名廣亦有中庸之號事之巧乃有若此者

○焚項羽廟

全椒舊有項羽廟余翔爲令一炬焚之王元美曰此殆爲咸陽三月火後警耳

○候景熱

侯景圍臺城。或問陸法和云。何。陸曰。待侯景熟。問者不解。陸曰。凡取果既熟。不掠自落。今侯景未熟耳。

俗謂年老爲熟。本此。

○僧誦經

有僧誦經。至無眼耳鼻舌身意。黃紫芝曰。馬用誦此。僧禿其頭。而無眼耳鼻舌。更成何物。僧大笑。

○猶五德

萬壽僧彬師嘗對客。循路其旁。謂客曰。人言雞有五德。此猶亦有之。見鼠不捕。仁也。鼠奪其食而讓之。義也。客

至設饌則出禮也。藏物甚密而能竊食知也。每冬月輒入憲信也。

○阿房宮賦兩句

東坡在玉堂一日讀阿房宮賦凡數遍每一遍訖卽再三賞歎至夜分猶不寐有二老兵給事左右坐久甚苦之。一人長歎曰知他有甚好處夜久寒甚不肯睡連作冤苦聲其一人曰也有兩句好先一人怒曰你又理會得甚的曰我愛他道天下之人不敢言而敢怒。叔黨臥而聞之明日以告東坡東坡笑曰這漢子也有鑒識。

天下極賤人

果次公與一友夜談每至極快處其友唯唯而已次公問其故友曰曾聽過次公謔之曰汝是天下極賤人友駭問次公曰天下極快之語一經汝聽過便不值錢非賤而何友亦大笑

○馬湘蘭

金陵名妓馬湘蘭以豪俠得名有坐監舉人請見拒之後中甲榜授禮部主事適有訟湘蘭者主事命拘之衆爲居間不聽既來見罵曰人言馬湘蘭徒虛名耳湘蘭

應曰：惟其有昔日之虛名，所以有今日之奇禍。主事笑而釋之。湘蘭死後，哀挽成帙，或謂張賓王曰：聞君有祭文甚佳。張曰：吾乃訪赤壁賦作者使誦之。張但舉一語云：此固一世之雌也。而今安在哉？聞者絕倒。

○呼公子

俞君宣少時，隨父華麓公之官，有衙役呼以公子，公怒曰：凡羸暴之性，加人必呼爲太監，牛性公子性，等之太監與牛，辱吾甚矣。

○曹姚秀

名妓曹娥秀色藝具絕鮮于伯機嘗以義之呼之一日伯機宴客因事入內命曹行酒遞遍伯機出曹曰伯機未飲客笑曰以伯機相呼可爲親愛之至伯機佯怒曰小鬼頭也敢無禮曹曰我呼伯機便無禮只許爾叫王義之坐客大笑

○徐月英

徐月英江淮間媚也金陵徐氏諸公子寵一營妓死乃焚之月英送葬謂徐公子曰此娘平生風流漫亦帶焰